



Republika e Kosovës

Republika Kosova - Republic of Kosovo

AGJENCIA KUNDËR KORRUPTIONIT

AGENCIJA PROTIV KORRUPTIONE

ANTI - CORRUPTION AGENCY

REPUBLIKA E KOSOVES/REPUBLIK OF KOSOVO	AGJENCIA KUNDËR KORRUPTIONIT
DPR	AGENCIJA PROTIV KORRUPTIONE
Anti-Corruption Agency	ANTI-CORRUPTION AGENCY
Nr. Prot.	03-03-1649/21
Br. Prot.	
Prot No.	
Date:	24-06-2021
Broj stranica	03
Nr. pages	
PRISHTINË	

DATË/A:	22.06.2021
REFERENCË:	<i>AKK- DPKPP /03-03-160721</i>
PËR/ZA/TO:	z. Isa OSMANKAJ Menaxher i Zyrës së Prokurim, Komuna e Prizrenit
CC:	z. Mytaher HASKUKA, Kryetar i Komunës Prizrenit
PËRMES/PREKO/THROUGH:	z. Shaip HAVOLLI, Drejtë i Agjencisë kundër Korrupsionit <i>S. H.</i>
NGA/OD/FROM:	Afrim ATASHI, <i>Petkoceri</i> Drejtë i Departamentit për Parandalimin e Korrupsionit
TEMA/SUBJEKAT/SUBJECT:	Opinion lidhur me Tenderin me titull: "Renovimi dhe mirëmbajtja e objekteve ekzistuese kulturore, sportive në Prizren Faza e dytë. Renovimi i shtëpisë së kulturës Xhemajli Berisha (projekt dy vjeçar)"

In deruar z. Osmankaj,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 9 (par. 1, nënpar. 1.5.), 16 (par. 2) dhe 21 (par. 3) të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korrupsionit, lidhur me tenderin me titull: "Renovimi dhe mirëmbajtja e objekteve ekzistuese kulturore, sportive në Prizren Faza e dytë. Renovimi i shtëpisë së kulturës Xhemajli Berisha (projekt dy vjeçar)" me numër të prokurimit: 622/21/3452/511, dhe me nr. të brendshëm: 622/21/087/511, Agjencia kundër Korrupsionit ofron këtë:

OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin: "Renovimi dhe mirëmbajtja e objekteve ekzistuese kulturore, sportive në Prizren Faza e dytë. Renovimi i shtëpisë së kulturës

Xhemajli Berisha (projekt dy vjeçar)" me numër të prokurimit: 622/21/3452/511, dhe me nr. të brendshëm: 622/21/087/511, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.

A r s y e t i m i

Agjencia kundër Korruptionit (në tekstin e mëtejshmë Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 18 qershor 2021, ka nxjerrë vendim me numër protokolli: *AKK-03-03-1607/21*, për fillimin e procedurës për trajtimin e rastit në lidhje me aktivitetin e prokurimit publik me titull: "**Renovimi dhe mirëmbajtja e objekteve ekzistuese kulturore, sportive në Prizren Faza e dytë. Renovimi i shtëpisë së kulturës Xhemajli Berisha (projekt dy vjeçar)"** me numër të prokurimit: 622/21/3452/511, dhe me nr. të brendshëm: 622/21/087/511, i iniciuar nga autoriteti kontraktues Komuna e Prizrenit.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për kontratë dhe dosjen e tenderit, ku ka konstatuar se autoriteti kontraktues, për këtë aktivitet të prokurimit ka paraparë procedurën e hapur, kontratë publike, të llojit punë, me vlerë të madhe të parashikuar prej 800,000.00 €.



Në kuadër të rubrikës III.2.4. Kapaciteti teknike dhe profesionale kërkesa J, Agjencia vëren se, Autoriteti kontraktues *ka kërkuar nga operatorët ekonomik pjesëmarrës të ofrojnë dëshmi ku thuhet: Të ketë së paku 20 (njëzet) të punësuar me profile të ndryshme adekuate për realizimin e kontratës. OE duhet të prezantoj punëtor të profileve të ndryshme, të certifikuar nga një institucion i Republikës së Kosovës që posedon qendrën e trajnimit për këto lëmi. Së paku nga një për secilin profil armirues, latues, murator, suvatues-fasader, moler, shtures pllakash, instalues për instalime elektrike, instalues për ujësjellës dhe kanalizim dhe saludues*. Kurse tek dëshmia dokumentare ka kërkuara "*Lista e të punësuarave e paraqitur në ATK në tre muajit e fundit bashkë me përshkrimin e shkurtër të vendit të punës, përshkrimi i shkurtër i vendit të punës për stafin e rregullt, për stafin e ri kontratat e bashkëpunimit për këtë projekt. Certifikata e noterizuar nga vetë inxhinieri nga origjinali, CV e nënshkruar nga inxhinieri*". Kërkesë kjo për të cilën konsiderojmë se bie ndesh me nenin 69 të Ligjit në fuqi për Prokurimin Publik.

Sipas dispozitave të Ligjit në fuqi për Prokurimin Publik dhe Rregullat dhe Udhëzuesit Operativ për Prokurimin Publik, autoriteti kontraktues mund të kërkojë minimumin e mesatares së fuqisë punëtore dhe stafit menaxherial për secilin nga 3 vitet e fundit, ku si dëshmi mund të kërkojë një deklaratë apo raport për fuqinë mesatare punëtore dhe numrin mesatar të personelit udhëheqës të operatorit ekonomik për secilin nga tri vitet e kaluara.

Agjencia kundër Korruptionit konsideron se një kërkesë e tillë e vendosur nga Autoriteti kontraktues është diskriminuese dhe nuk u mundëson operatorëve tjerë të cilët kanë një numër minimal të fuqisë

punëtore të ofertojnë për ketë kontratë. Duke caktuar një kufizim të tillë autoriteti kontraktues favorizon vetëm operatorët ekonomik të cilët kanë këtë numër të të punësuarve ose më tepër dhe në këtë mënyrë i eliminon operatorët tjerë të cilët kanë një numër të kënaqshëm të të punësuarve. Duke caktuar një kërkesë të tillë autoriteti kontraktues ka vepruar ne kundërshtim me nenin 7 të Ligjit në fuqi për Prokurimin Publik, ku sipas këtij ligji thuhet se "*Autoriteti Kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik*".

Agjencia kundër Korrupsion, konsideron se veprimet e autoritetit kontraktues bien ndesh me nenin 7 Barazia në Trajtim dhe Jo-diskriminimi, si dhe nenin 69 Aftësitë teknike dhe profesionale të Ligjit për Prokurim Publik Nr.04/L-042, i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092, dhe nenin 26.8 të Rregullave dhe Udhëzuesit Operativ për Prokurimin Publik.

Konsiderojmë se shkeljet e tillë nuk duhet lejuar ne aktivitete të prokurimit, andaj Agjencia kundër Korrupsion rekomandon që të evitohen këto shkelje, përmes njofimit standard për informata shtesë dhe përmirësimin e gabimeve, duke i njostuar te gjithë operatorët ekonomik të cilët e kanë tërhequr dosjen e tenderit.

Po ashtu ju njostojmë se lidhur me këto të gjitura do të njoftohet Komisioni Rregulativ i Prokurimit Publik – KRPP.

Autoritetet Kontraktuese e informojnë Agjencinë për veprimet e ndërmarra.

Me respekt !

